

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 7. Mäerz 2022

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Staatsminister weiderzeleeden.

Am Artikel „*Grande manifestation ce samedi à Luxembourg*“ heescht et, datt d'Gemeng Esch an Ofsprooch mam Staatsministère decidéiert hätt, de Bau vun engem Monument fir sowjetesch Zwangsaarbechter, déi vun den nationalsozialisteschen Okkupanten op Lëtzebuerg verschleeft goufen, wéinst dem Krich an der Ukrain auszesetzen.

An deem Zesammenhang géif ech dem Här Staatsminister gär dës Fro stellen:

- 1) Kann den Här Staatsminister elaboréieren, wou hien eng histoiresch-politesch Kontinuitéit tëschent sowjeteschen Zwangsaarbechter zu Lëtzebuerg an dem aktuelle Krich an der Ukrain gesäit, op där dës Decisioun baséiert?
- 2) Kann den Här Staatsminister begrënnen, wéi wäit dës Decisioun senger Meenung no zu enger diplomatescher Léisung vum Krich an der Ukrain kéint bäidroen?

Mat déiwem Respekt,



Fernand Kartheiser
Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère d'État

Äntwert vum Här Premierminister, Staatsminister op d'parlamentaresch Fro n° 5893 vum 7. März 2022 vum honorabelen Deputéierten Fernand KARTHEISER iwwert d'„suspension de la construction d'un monument à Esch-sur-Alzette“

De Projet vum Monument fir sowjetesch Zwangsaarbechter ass eng Zesummenaarbecht mat de russeschen Autoritéiten, déi opgrond vun der aktueller Situatioun ausgesat ginn ass. Am Moment ass et leider net méiglech, mat deem néidege Recul an der néideger Sérénitéit déi wichteg Mémoiresaarbecht ze maachen, déi ee fir d'Affer wierdege Kontext brauch an ouni déi d'Mémoiresaarbecht net zu engem bessere Versteesdemech tëschent den Natioune bäidroen kann.

Lëtzebuerg, den 13. März 2022

De Premierminister, Staatsminister

(s.) Xavier BETTEL